

Ehuhuo-Ozi Nke Ibuzo

Jonu

De

(Jonu, Nke Ibuzo)

Oku Hun E Ye Ndun

¹ Hun ahun ri gha mbidon lala ke enyi ri a gwa onu oku e, Hun ahun enyi gi ntin nu, hun enyi gi enya enyi hun. Enyi e leguo a, enyi e metughu a aka. Oku hu e ye ndun wu Jizosi ke enyi ri e ku oku e. ² Ndun hu no puha hun w'e legha enya. Enyi a hunguho a. Enyi hu e ku banyen'e, a gwa unu banyeni ndun itebite hu. Ndun itebite hu le Chuku-Nedi te ri, kani o no puha ni enyi legha. ³ Enyi ri nwan a gwa unu ihien enyi hun le ihien enyi nu, keni unu hun uzo du enyi meko— makeni Nedi-enyi le Nwa a wu Jesu Kristi ke enyi le we ri e meko. ⁴ Enyi ri e de ihien ndini keni ighoghho enyi hun uzo zu oke.

Ukpe Suo Ke Osolobue Wu

⁵ Onwan wu ozi hu enyi nu onu a, hun enyi ri nwan e zi unu: ni Osolobue wu ukpe, o nwonna ishi ri ime e—kaka. ⁶ Omeni enyi si ni enyi le iya ri e meko bu enyi a to ime ishi e bi, ya wu ni enyi ri a tu ntu, enyi a ri e gi ezioku e bi. ⁷ Kani, omeni enyi hu e bi ime ukpe, noka ke ya nwen don ri ime ukpe, ya wu ni enyi le iya hu e meko nke-esi, edeke Nwa a wu Jizosi k'a ri a chanchanfu enyi njo owule enyi me.

⁸ Omeni enyi si ni enyi ara me njo, enyi ri e dufie enwen enyi, ezioku ari ime enyi. ⁹ Kani, omeni enyi e kupuha njo enyi, onye we gi e don-enya le onye-ezioku k'o wu, o k'a

gbaghari enyi njo enyi, chanchanpuchanrin enyi ihien ile rileni mma.

¹⁰ Omeni enyi si ni enyi e meni njo, ya wu ni enyi ri a si ni Osolobue wu onye-ntu, ya wu ni oku e a ri ime enyi.

Isi Nke Ebuo

Kraisti Ya E Donme Enyi Uchan

¹ Umueka m, m ri e de ni unu ihien ndini amamgbe unu gha e me njo. Kani, omeni ihian me njo, enyi nwon onye a riodon ni enyi ebe Chuku-Nedi ri—onye hu wu Jesu Kristi, onye hu ri ochan. ² Ya le enwen e wu ejan hun we gi wepu njo enyi le iwe-le-onuma-Osolobue; ele njo enyi suo, kani, ke njo uwa ile.

³ Ihien o k'e gi nwan we enyi enya ni enyi a maringho Osolobue nke-esi wu ni enyi e mesonme ihien o si enyi me. ⁴ Onye owule hun si ni o maringho a bu a ra me ihien o si enyi me, onye hu wu onye-ntu, ezioku ari ime onye no enina. ⁵ Kani, nke onye owule hun a gbaye oku Osolobue, ezioku-ezioku, onye ahun nwe ihien-osusu zu oke jenni Osolobue.

Ihien enyi gi a marin ni enyi ri ime e wu onwan: ⁶ onye si n'o ri ime Osolobue ya bi obibi ke Jizos' Kraisti don bi.

Iwu Ohun

⁷ Ndi ri m obi, ari m e deni unu iwu ohun; kama, iwu ohu ahun we ye unu isi-ibuzo ro. Ozi hu unu nu, iya wu iwu mbu ahun m ri e ku oku e. ⁸ Kani o wuzikwo iwu ohun. Iwu ohunni wu ezioku, o hu ime Kraisti, o huzikwo ime onu—makeni ishi hu a ghafe, ezigbo ukpe e nwunmeguo.

⁹ Onye owule si n'o ri ime ukpe bu ize onye Itu-Kraisti ibe e hu e ze e, echen ke onye hu rikwo ime ishi. ¹⁰ Onye owule nwe ihien-osusu onye Itu-Kraisti ibe e bi ime ukpe—o nwonna ihien ri ime e hun e me ihian a kpogburu.

¹¹ Kani, onye hun e ze ize onye Itu-Kraisti ibe e ri ime ishi; o ghako ime ishi, o marin ebe o jenko—makeni ishi hu a gbakingo a enya.

¹² Umuoka,

m ri e de ni onu ni m gi gwa onu

ni Osolobue e gigo ifiri efan Jizosi

gbaghari unu njo.

¹³ Ndi nedi,

m ri e deni unu ni m gi e gwa unu

ni unu a maringo onye hu rini gha mbidon lala.

Ndi-ikoro,

m ri e de ni unu ni m gi e gwa unu

ni unu e merigo Eje-onye hu.

¹⁴ Umuoka,

m de ni unu ihienni ni m gi e gwa unu

ni unu a maringo Chuku-Nedi enyi.

Ndi nedi,

m de ni unu ihienni ni m gi e gwa unu

ni unu a maringo onye hu ri gha mbidon lala.

Ndi-ikoro,

m de ni unu ihienni ni m gi e gwa unu

ni unu e zegho,

ni oku Osolobue ri ime unu

le ni unu e merigo Eje-onye hu.

Ihienuwa Y'a Suokwole Unu!

¹⁵ Enwekwole ni ihienuwa osusuwa wobu ndi ri ime uwa, makeni ihienuwa Chuku-Nedi-enyi ara suo onye ihienuwa a suo. ¹⁶ Makeni, ihienuwa ile ri ime uwa, ke eje-ihien ndi a gunsonme ehụ ke ihienuwa-onye ke nhonron ihian a honron makeni o nwegho ihienuwa, aghani aka Nedi-enyi bia—uwa ke we ile gha a bia. ¹⁷ Uwa le ihienuwa-onye ile rin'a ghafeko aghafeko; kani, onye owule hun e me uche Osolobue k'a to jennin ejen.

Eñenrẹn Kraịstị Ahun W'a Kpọ Anti-Kraịstị

¹⁸ Ụmụ m, ogenni wụ ogen ikpazuun! Kẹ onụ don nụ nị eñenrẹn Kraịstị ahun w'a kpọ anti-Kraịstị lala, erira k'ọ rị nwan nị ndị bu oda wụ ndị-iñenrẹn Kraịstị a puhaguo. Iya kẹ ẹnị gi a marin nị ogenni wụ ogen ikpazuun. ¹⁹ Ime igunrun ẹnị kẹ ndini gha pu nke-esi, kani, ele we ndi nke ẹnị. Makeni, omeni we te wu ndi nke ẹnị, nke e son we ẹnị nodi. Kani, opupu we gha ime igunrun ẹnị pu k'o gi wecharin ẹnị nị ele we ndi nke ẹnị.

²⁰ Kani, onu ile marin ezioku makeni Onye-hu-ri-nsọ e hukpuguo onu uden ime-mmọn gi tumẹ unu umu a. ²¹ Eleni unu amarin ezioku hain m gi e deni unu, kani, makeni unu a maringuo a—unu a maringho n'o nwonninti a gha ime ezioku a fuha. ²² Onye wu nwan onye ntu emeni ele onye kwerileni ni Jizosi wu Kraịstị, Onye-nzuopuha hu Osolobue tumẹ. Onye no erira wu eñenrẹn Kraịstị hu—hun w'a kpọ Anti-Kraịstị; a ra kwerini Chuku-Nedi le Nwa a. ²³ Egheę! Makeni, onye owule ju Nwa a ekwerini ni Chuku-Nedi; onye owule kwerini Nwa a nwonzikwo Chuku-Nedi.

²⁴ Ni ni ozi hu unu nu isi-ibuzo risonme ime ndun unu. Omeni ihien unu nu isi-ibuzo hu a risonme ime ndun unu, unu k'a risonme ime Nwa Chuku le ime Chuku-Nedi. ²⁵ Ihien o kwe ẹnị nkwa n'o k'e ye ẹnị wu ndun itebite.

²⁶ Ifiri ndi ri a cho ni we dufie unu ke m gi ri e deni unu ihien ndini. ²⁷ Kani, o me nke unu, uden ime-mmọn hu o hukpu unu, hun o gi tumẹ unu umu a hu ime ndun unu a kuzi unu ihien ile. Ya wu, o nwonzini nwan mkpa o ri ni onye owule k'a kuzi unu. Ihien uden ahun o gi tumẹ unu a kuzi unu wu ezioku—ntu ari a. Noke ke o don kuzi onu—nodi ni ime Kraịstị. ²⁸ Egheę umu m, nodi ni ime e, keni obi ru ẹnị ile ali ogen o k'e gi puha; amamgbe ẹnị e gi ifenren warị Uhuohin hu.

Kẹ W'a Dọn Marin Umụ Osolobue

²⁹ Omēni ọnu a maringhọ n'ọ rị ọchan, ọnu k'e gi ẹ marin ni ya mu onye ọwụlẹ hun e bi obibi onye rị-ọchan.

Isi Nke Ẹtọ

¹ Lee ni nwan kẹ Chuku-Nēdi nwēhan ihien-ọsusuọ enyi —nke wu ni w'a kpọ enyi umu Osolobue! Ezioku-ezioku, iya kẹ enyi wu! Ihien hain uwa gileni marin enyi wu ni uwa amarin n'a. ² Ndi ri m obi, enyi wu nwan umu Osolobue. Kani, ihien enyi jenkọ d'a wuru e ke puha ifon —bu enyi a maringhọ ni oge o k'e gi bia, enyi k'a nọ kẹ iya, makeni enyi k'a hunchanrin a k'ọ nọ. ³ Ndi ile nwon olile-enyani ime we e donme enwen we ọchan nọkẹ kẹ ya lẹ enwen ẹ don rị ọchan.

⁴ Onye ọwụlẹ hun e me njo rị a dan iwu makeni ime-njo wu idan-iwu. ⁵ Unu a maringhọ ni Kraisti bia d'e wefu njo, unu a maringhọzi ni o nwonni njo rị ime ẹ. ⁶ O nwonni onye rị ime ẹ hun e me njo; onye ọwụlẹ hun e me njo e ke huntu ẹ mọbu marin a.

⁷ Umueka, anile ni onye ọwụlẹ dufie unu! Onye hun e bi obibi onye rị-ọchan rị ọchan kẹ Kraisti don rị ọchan. ⁸ Onye ọwụlẹ e me njo wu nke Ekwensu—makeni Ekwensu gha ali mela njo. Iya hain Nwa Osolobue gi bia—keni o tikpo orun Ekwensu.

⁹ O nwonni onye hun Osolobue mu hun e me njo. Makeni, mkpuru Osolobue rị ime onye ahun. O s'eka me njo, makeni Osolobue mu a. ¹⁰ Onwan kẹ we gi a marin ndi wu umu Osolobue lẹ ndi wu umu Ekwensu: onye ọwụlẹ ghaleni e me ihien rị mma mọbu hun ihien ndi Itu-Kraisti ibe ẹ ghaleni a sọọ ẹlẹ nwa Osolobue.

E Nwe Ni Ihien-ọsusuọ Ibe Unu

¹¹ Makeni ozi hun unu nu isi-ibuzo wu ni enyi k'a gha e nwe ihien-ọsusuọ ibe enyi. ¹² Enyi anokokwo ni kẹ Keni

—ọ wu nke Eje-onye hu, o gbupu nwene e. Ki hain Keni gi gbu e? Makeni Keni le enwen e me eje-ihien kani nwene e me ihien ri mma.

¹³ Umune m, y'a tule unu enya ni ize unu ri e ze uwa.

¹⁴ Ihien enyi gi marin ni enyi a ghaguo onwun fuha, banye ndun, wu ni enyi nwe ihien-osusuo ibe enyi. Onye nweleni ihien-osusuo ibe e a nwunhungu.

¹⁵ Onye owule ize nwene e e ze wu izighe—bu unu a maringho n'o nwonni izighe ndun itebite ri ime e. ¹⁶ Ihien enyi gi a marin ihien-osusuo nke-esi wu onwan: ni Kraisti gi ifiri enyi we ndun a ye. O furu nwan ni enyi gizikwo ifiri ibe enyi we ndun enyi ye. ¹⁷ Nani ke ihien-osusuo Osolobue gi ri ime ihian, omeni ihian e nwongho ihien uwan, kani o hun nwene e ihien ri a ko, o ju n'o yekon'a eka? ¹⁸ Umueka, ni enyi e nwon ni ihien-osusuo nke-esi—elekwo hun we gi onu suo e ku, kani, hun we gi eka e me.

¹⁹ Ohun ke enyi e gi marin ni enyi wu nke ezioku, iya ke enyi gi e me obi e ru enyi ani ebe Osolobue ri— ²⁰ omeni obi e gbume enyi mgbu. Makeni, Osolobue ka obi enyi, o maringhozikwo ihien ile.

²¹ Ndi ri m obi, omeni ihori enyi hu a ghoni enyi, obi e rucharin enyi ali ebe Osolobue ri, ²² enyi e nwehenzikwo ihien owule enyi rio a—makeni enyi hu e donme iwu e, e me ihien a suo a usuo efu.

²³ Iwu e wu hunni: ni enyi k'e kweri ni efan Nwa a wu Jesu Kristi le ni enyi k'e nwe ihien-osusuo ibe enyi—noke k'o don gwa enyi. ²⁴ Ke we han hun e donme iwu e ri ime e, iya nwen rizikwo ime ndun we. Ihien enyi gi a marin n'o hu ime enyi wu onwan: n'o yeole enyi Mmon-nso.

Isi Nke Ẹ̀no

Mmon Osolobue Le Mmon Ehenren-Kraisti

¹ Ndi ri m obi, ele mmon ile gi ihian ku ke unu k'e kweyeni, ka e lele ni we, keni unu marin ke mmon ndi hu gha eka Osolobue bia nke-esi. Makeni, ndi-amuman-tu bu oda a puhaguo ime uwa. ² Ke onu k'a don marin ni Mmon Osolobue ro wu onwan: mmon owule gi e don ni Jizosi hun wu Kraisti, Onye ahun Osolobue tume, henrin ihian bia, e ku e—mmon hu gha eka Osolobue bia, ³ kani, mmon owule hun kwerileni ni Jizosi hun wu Kraisti, Onye hu Osolobue tume, henrin ihian bia, mmon ahun aghani eka Osolobue bia. Ohun wu mmon Ehenren-Kraisti, ya wu, mmon Anti-Kraisti—hun onu nu n'o lala alala; o riguale nwan ime uwa.

⁴ Umueka, unu wu nke Osolobue—onu e meriguo we, makeni onye hu ri ime unu ka onye hu ri ime uwa. ⁵ Ndi-amuman-tu ndini wu nke uwa—ya wu, ihien w'e ku wu nke uwa, uwa e gon we ntin. ⁶ Enyi nwen wu nke Osolobue. Onye owule hun marin Osolobue e gon enyi ntin. Onye owule hun wuleni nke Osolobue ara gon enyi ntin. Onwan ke enyi gi a marin mmon hun wu nke ezioku le mmon hun wu nke ndufie.

Ime Osolobue Ke Ihien-osusuo Ri

⁷ Ndi ri m obi, ni enyi e nwe ni ihien-osusuo ibe enyi, makeni ihien-osusuo gha eka Osolobue a bia. Onye owule hun nwon ihien-osusuo, Osolobue mu a, onye hu marin Osolobue. ⁸ Onye hun nwonleni ihien-osusuo amarin Osolobue, makeni Osolobue wu ihien-osusuo. ⁹ Osolobue a ghosiguo ihien-osusuo o nwe ebe enyi ri; enina k'o don me e: o zihę akpu Nwa a ohu ime uwa, keni enyi hun uzo ri ndun ghaan'a. ¹⁰ Onwan wu ihien-osusuo: eleni enyi nwe ihien-osusuo Osolobue, kama, ni Osolobue nwe ihien-osusuo enyi, gi e zihę Nwa a n'o wuru ejan we gi wepu njọ enyi le iwe-le-onuma Osolobue hun njọ e buhe.

¹¹ Ndị rị m obi, ebe o mę ezię nị Osolobue nwehan ihien-osisuso ęnyi ęnina, o furu nị ęnyi nwen nwezikwo ihien-osisuso ibe ęnyi. ¹² O nwontuni onye gi ęnya a hun Osolobue—kanị, omeni ęnyi e nwegho ihien-osisuso ibe ęnyi, ya wu nị Osolobue bi ime ęnyi; ya wuzi nị ihien-osisuso a zu oke ime ęnyi.

¹³ Ihien ęnyi gi marin nị ęnyi rị ime ę lę ni ya nwen rị ime ęnyi wu n'o yeguo ęnyi Mmon-nsọ a.

¹⁴ Ęnyi a hunguo a, ku ę, nị Chuku-Nedi e zihęguo Nwa a d'a wu Onye-nzuopuha uwa. ¹⁵ Osolobue bi ime ndi ile gi ę don, e ku ę, nị Jesu wu Nwa Osolobue—uwe lę enwen wę bi ime Osolobue. ¹⁶ Ęnyi a maringho nwan, ęnyi e giolę ę nwan don, nị Osolobue nwe ihien-osisuso ęnyi.

Osolobue wu ihien-osisuso. Onye hun gi ihien-osisuso e bi rị ime Osolobue, Osolobue lę enwen ę rị ime onye hu. ¹⁷ Erira ke ihien-osisuso e gi zu oke ime ndun ęnyi, keni obi ru ęnyi ali Uhuohin Okinkin-ikpe—makeni ke Jesu no, erira ke ęnyi no ime uwanị. ¹⁸ Egun ara tu onye gi ihien-osisuso e bi; ihien-osisuso zu oke a chupu egun. Onye rị a tu egun rị a tu egun afunfun o jenkọ d'a ta—ihien-osisuso onye rị a tu egun ezuni oke.

¹⁹ Ihien-osisuso o bu uzo nwon jenni ęnyi hañ ęnyi gi a saęka e nwon ihien-osisuso. ²⁰ Omeni ihian si, “M nwe ihien-osisuso jenni Osolobue,” bu ize nwenę ę rị e ze ę, onye-ntu k'ọ wu. Makeni, omeni ihian e nwonni ihien-osisuso nwenę ę—nwenę ọ rị e legha, ọ sako ęka nwe ihien-osisuso Osolobue—Osolobue o leghatuleni. ²¹ Iwu o ye ęnyi wu onwan: nị, onye nwe ihien-osisuso Osolobue k'e nwezikwo ihien-osisuso nwenę ę.

Isi Nke Isen

Kę Ęnyi Don E Meri Uwa

¹ Onyè ọwụlẹ hụn gi ẹ dọn nị Jesu wụ Kraịstị, Onyè hụ Osolobue tume, onyè hụ wụ nwa Osolobue; onyè ọwụlẹ nwe ihien-osisuo onyè mu ihian, nwezikwo ihien-osisuo nwa a. ² Ihien enyi gi a marin nị enyi nwe ihien-osisuo umu Osolobue wu nị enyi nwe ihien-osisuo Osolobue, e mesonme ihien ndi o si enyi e me. ³ Ke we dọn e nwe Osolobue ihien-osisuo wu: imesonme ihien o si enyi me—bu ihien o si enyi me ele ibu, ⁴ makeni onyè ọwụlẹ Osolobue mu e meri uwa. Iken hụn enyi gi e meri uwa wu okukwe enyi nwon. ⁵ Onyè a sa nwan eka e meri uwa? Onyè hụn gi ẹ dọn nị Jesu wụ Nwa Osolobue ro.

Ihien Ndi Hụn A Ghosi Nị Jesu Wụ Nwa Osolobue

⁶ Jizos' Kraistị-ni wu onyè hụ hụn bia ghahani mirin le edeke. Ele ghahani mirin suo, kanị ghahani mirin le edeke. Mmon-nsọ le enwen ẹ wu hụn a shia eri, makeni Mmon-nsọ wu Onyè ezioku. ⁷ Ya wu nị we ri eto hụn ri a shia eri [elu-igwee: we wu Chuku-Nedi le Oku hụ le Mmon-nsọ; we rizikwo eto hụn a shia eri elu-uwa:] we wu ⁸ Mmon-nsọ le mirin ahun le edeke ahun. We eto kuye onu ohu. ⁹ Omeni enyi a nabanhan eri ihian shia, hụn Osolobue shia kade ezioku a wu, bu Osolobue a shiaguoni Nwa a eri. ¹⁰ Ya wu, onyè ọwụlẹ kwerini Nwa Osolobue nwon erini ime obi ẹ; kanị onyè hụn kwerileni a kpoگو Osolobue onyè-ntu, makeni o gini eri Osolobue shia nị Nwa a dọn. ¹¹ Onwan wu eri hu: Osolobue e yeguọ enyi ndun itebite—ime Nwa a ke ndun itebite hu ri. ¹² Onyè ọwụlẹ nwon Nwa a hụ nwon ndun, kanị onyè hụn nwonleni Nwa Osolobue enwon ndun.

Ndun Itebite

¹³ M ri e deni unu ihien ndini, unu ndi hụn kwerini efan Nwa Osolobue, keni onu marin nị onu e nwongho ndun itebite.

¹⁴ Ihien obi gi e ru ẹnị ali ebe Osolobue rị wụ ọnwán: nị omeni ẹnị rịọ a ihien ọwụlẹ k'o dọn rị a obi, ọ nụ ekpere ẹnị. ¹⁵ O mę nwan nị ẹnị a maringhọ nị ihien ọwụlẹ ẹnị rịọ! a, nị ọ nụ ekpere ẹnị anụ, ya wụ ẹnị a maringhọzị nị ẹnị e nwehenguọ ihien ẹnị rịọ a.

¹⁶ Onye hụn nwene ẹ k'ọ rị e mę njo—udị njo hụn ghaleni ẹ buhe ọnwun, ya mę ekpere, Chuku k'e ye nwene ẹ hụ ndun—onwan wụ nke ndi hụn mę udị njo hụn ghaleni e buhe ọnwun. Njo hụn e buhe ọnwun rị ari: asini m unu memę ekpere banyeni ohun. ¹⁷ Eje-omume ile wụ njo, kanị o nwon njo hụn ghaleni e buhe ọnwun.

¹⁸ Ẹnyi a maringhọ nị onye ọwụlẹ Osolobue mu ara mę njo, makeni Jesu, Onye hụ Osolobue mu, e che ẹ nche—Eje-onye hụ ara metu a ẹka.

¹⁹ Ẹnyi a maringhọ nị ẹnị wụ nke Osolobue; ẹnị a maringhọzikwo nị uwa ile rị okpuru Eje-onye hụ.

²⁰ Ẹnyi a maringhọ nị Nwa Osolobue a biaguọ, n'o yeguọ ẹnị nghota hụn ẹnị e gi marin onye ahun wụ onye-ezioku. Ẹnyi rị nwan ime onye ahun wụ onye-ezioku lẹ Nwa a wụ Jesu Kristi.

Iya wụ Osolobue nke-esi lẹ ndun-itẹbite.

²¹ Umụ m, gba nị nị ife mmon mọbụ ife ihien ọzọ ọwụlẹ ọsọ!

Elu Ọhụn: Èkùkwọ-Nsọ (Azụun Ọhụn rịn'a)
Revision of New Testament in Ika

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 19 Oct 2021 from source files dated 19 Oct 2021

31b0248e-272a-5dee-8226-bcc00c54d9b1